

Generalni direktor JP Elektroprivreda BiH Bajazit Jašarević i članovi uprave preduzeća juče su tokom posjete Unsko-sanskom kantonu razgovarali s ministrom poljoprivrede, vodoprivrede i šumarstva FBiH Šemsudinom Dedićem, premijerom Unsko-sanskog kantona Izudinom Saračevićem, gradonačelnikom Bihaća Emdžadom Galijaševićem i načelnicima općina Bužim, Cazin, Sanski most, Bosanski Petrovac, Bosanska Krupa, Ključ i Velika Kladuša.

Tokom sastanaka s predstavnicima kantonalne vlasti i lokalnih uprava te Grada Bihaća, predstavljene su planirane investicije Elektroprivrede BiH na području tog kantona. Akcent razgovora bila je mogućnost izmjene postojećih zakonskih propisa koji se odnose na naplatu koncesije za proizvodnju električne energije iz HE "Kostela", a što bi omogućilo značajne prihode Gradu Bihaću.

Akcent razgovora bila je mogućnost izmjene postojećih zakonskih propisa koji se odnose na naplatu koncesije za proizvodnju električne energije iz HE "Kostela", a što bi omogućilo značajne prihode Gradu Bihaću. - Zaključak današnjeg sastanka jeste da se moramo zajedno dogovarati oko svih projekata koji su u interesu lokalne zajednice i JP Elektroprivrede BiH. Kada je u pitanju Elektroprivreda BiH, istakli smo naše investicije koje se odnose na povećanje proizvodnje električne energije u HE Una Kostela i izgradnju vjetroparka "Medvjedak" na lokalitetu Lipa. Također, razgovarali smo i o statusu HE Unac i tu želimo otvoriti iskrenu priču i uključiti sve segmente društva koji su za to nadležni, odnosno struku i nadležne institucije - rekao je Jašarević.

Dedić je ocijenio sastanak primjerom dobre saradnje svih nivoa vlasti u BiH. Saračević i načelnici općina su ukazali na probleme i potrebe za investiranjem. Dogovoreno je da u naredna dva dana načelnici općina dostave premijeru, u pisanoj formi svoje primjedbe, na osnovu kojih će se do kraja marta precizirati mehanizam saradnje i pristupiti izradi plana investiranja u narednom periodu, saopćeno je iz Službe za komunikacije EPBiH.

izvor: [privrednastampa.ba](http://privrednastampa.ba)